

庚子之變予隨扈恭及挈室避居昌平嘗孤

蹇驢微服入都探問兵間消息返則筆而記之既又  
繫以小詩皆實錄也昔人言詩思在驢子背上予此  
詩多於驢背上得之意境適與之同然京洛煙塵較  
之灞橋風雪所處固不侔矣詩凡四卷以其有關掌  
故不忍割棄彙而存之即題曰驢背集戎馬倥傯之  
中非敢慕前賢風雅痛定思痛亦毋忘在莒之意耳  
光緒三十四年戊申秋八月退廬自序

--	--	--	--	--	--	--	--	--	--	--

驢背集卷一

黃巾遺孽起山東  
滕上橫刀顧野雄  
誰識先皇憂  
寇難周堪一疏上留中

光緒二十六年庚子春山東義和拳大起義和  
拳即八卦教匪與白蓮教異派同源匪首邵文  
生商邱人倡亂乾隆中葉旋被執誅死嘉慶時  
再熾由河南擾及曹州給事中周廷森發其事  
朝命邢彥成討平之盡滅其黨懸為例禁自西  
人入中國傳教良懦多受欺凌拳匪因民之勿

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



思也遂劫眾以叛聲言保清滅洋不傷害良民  
端郡王載漪首先崇信京朝官不學無術鮮有  
練習故事執祖法以爭者

海外燃灰民黨眾夢中折翼帝星孤晉家骨肉參商  
甚早兆中原亂五胡

戊戌之變康有為逃竄海外造為誣罔之詞指  
斥宮闈誘煽南洋各島華商集資數十萬力保  
皇會以圖後舉

康黨事敗始立大阿哥大阿哥立載漪漸執朝

權自是國勢趨重東宮徐桐崇綺俱嚮用拳匪  
乘機而入因得以保清滅洋之利暗朝廷載漪  
陰謀內禪亦遂為鬼神所播弄矣

曾披黃襪護東宮負辰圖留畫室中壯不如人甘伴  
食暮年偏欲攘邊功

徐桐以大學士兼上書房總師傅位望雖尊而  
事權不屬伴食中書者凡十餘年戊戌變政抗  
疏請斬張蔭桓力攻新黨由是有寵於 太后  
先是光緒五年吳可讀為 穆宗爭大統詒集

廷臣會議祠時為禮部尚書疏言我朝家法不  
建儲貳萬世當敬守及己去議立溥儀不力諫  
反贊成之與前議相反遂與崇綺同入青宮以  
伊周自任祠痛惡外夷凡西來貨品概屏絕勿  
用于承煜官刑部侍郎一日口含呂宋煙趨庭  
而過祠見之大怒曰我在而敢如此我死其胡  
服騎射作鬼奴矣罰令跪暴烈日中以儆其後  
至是聞拳匪起語人曰此天意也異種自此絕  
矣因與崇綺聯名密陳大計辭甚秘外廷不盡

聞知 太后以兩臣皆先朝耆舊既同聲贊助  
遂不疑載漪有私

邸閣留賓夜未央金華銀燭燦成行停杯忽喚天魔  
舞不信黃冠作虎張

城外白雲觀道士高仁炯嘗往來端邸稱頌拳  
匪神術王召其頭目試之良驗乃留置邸第卜  
日大宴諸朝貴徐崇二師傅在焉酒半命戎服  
見客獻其技一座大驚相與痛飲盡歡而散

烽火連天澈夜明一伸左臂礙神京相公高枕沈沈



睡誤聽雷聲作釜鳴

拳匪初由山東竄直隸但傳演拳法不敢與長吏為難涑水武舉人某與教民構訟不勝破家習拳謀報復教民偵得其情訴於官官吏持之急則挈眾以叛揭竿而起者數千人總督裕祿聞變遣副將楊福同討之遇伏敗沒事乃上聞朝廷置勿問遂毀鐵路斷電綫大掠霸州固安躡及通州近京數十里居民一夕數驚其特京津驛路不通朝士避亂南旋皆取道運河舟行

至河西務洋兵百餘人入衛使館者與拳匪相  
遇大戰數百艘維繫河干阻遏不前或遇盜劫  
或全家散失甚者誤中鎗砲以死哭泣之哀聲  
震兩岸

萬戰森嚴擁百神神言箕尾是前身誰知篝火狐鳴  
事駭涉沈沈誑楚人

拳匪自言有異術能誦符咒閉鎗礮火門臨陣  
時神降其體刀斧斫之不入所事神若楊戩哪  
吒洪鈞老祖驪山老母諸名目皆怪誕不經京

畿東南各屬一倡百和從者如歸城市鄉鎮徧  
設神壇壇旁刀戟林立賊目中所謂老祖師大  
師兄者端坐其中被髮舞劍作巫言生殺予奪  
皆任意為之無復朝廷法紀矣

樞使聯翩出國門懷中密詔語微溫吞胡自是平生  
志老悖須知念子孫

太后聞賊逼近畿遣協辦大學士剛毅刑部尚  
書趙舒翹順天府府尹何乃瑩先後出京觀警  
乃瑩受剛毅指馳抵涿州傳集賊中渠魁言爾

等皆義民當努力自愛毋傷害百姓異日朝廷  
征服東西洋必用汝為前驅皆撫掌大笑而散  
舒翹因剛毅薦得入軍機不敢與之立異剛毅  
還朝密陳奉民志在拒敵非叛逆可比今已俯  
首受約不如因而用之 太后默然  
拔幟登壇氣便驕春燈謎語雜歌謠可憐一炬成焦  
土使相登樓拜火妖

剛趙既還拳匪相繼入城借廟宇設壇練習拳  
勇已乃盤踞民房暨保清滅洋大旗造七字歌

謠榜揭通衢五城察院以六言韻語出示禁之  
都人謂御史與拳匪以詩歌相唱和一時傳為  
笑柄

拳匪日尋仇劫殺過森堂洋房輒燬之狂言望  
空叩頭神火即至不殃及良民五月二十日焚  
正陽門外中西藥房北風驟起延燒二千八百  
餘家火及城樓西自觀音寺至大柵欄南自煤  
市街至西河沿俱成灰燼九城同日閉市交易  
不通商戶官宅一日數遷人心始惶惶憂亂剛

毅聞火警整冠登城向火行九拜禮觀者皆莫測其用意

午門宣詔集臣工分隔何由効小忠獨恨本初言不用橫刀一揖據山東

太后見南城火光燭天即傳旨召百官會議班既定載漪進曰秦民出死力為國宣難入京以來秋毫無犯心迹坦白可知夷兵所持者火器神拳復能制之此天贊我也必收用之兵部尚書徐用儀曰不然國將興聽於人將亡聽於神

且敵強我弱不可信自我先<sup>夫</sup>吏部侍郎許景澄  
曰尚書言是也以一國挑釁列邦使彼協而謀  
我勢將不敵徐桐剛毅斥之曰此南人邪說墮  
軍實而長寇讐不可信也莊親王載勳輔國公  
載瀾崇綺皆袒載漪慶親王奕劻武英殿大學  
士榮祿協辦大學士王文韶惡匪黨而不敢直  
言餘如翰詹科道卿寺各官班次遙達或然或  
否皆不得前致一詞於是定策令陝西提督董  
福祥招撫拳民編為一軍遣吏部侍郎許景澄

戶部侍郎那桐往天津止各國援兵不從則以  
兵戎相見太僕寺少卿張亨嘉翰林院侍讀學  
士朱祖謀越班切諫 太后厲聲叱之左右麾  
二人退

先是山東匪亂上聞巡撫毓賢不能戰詔罷毓  
賢別簡袁世凱率所部兵往代世凱初至濟南  
極陳拳匪左道惑眾不可資以禦侮朝廷勿省  
遂召匪目以好語慰之令率眾赴畿甸為國效  
力於是東匪皆趨直隸矣



脫帽謹呼殺二毛枕囊嚙語即兵韜妖狐大有憑城  
勢野掠歸來血洗刀

拳匪謂夷人為大毛從夷教者為二毛每人各  
持一刀刀必見血殺人即死以次輪研之不糜  
爛不止自言臨陣時密誦所傳符咒能避槍砲  
有誦聲未絕即中槍仆地死者又言祖師所傳  
密咒凡十九字天津拳首張德成等只通曉二  
三字若通至七八字便橫行無敵矣

八王貴宅錦城邊傅粉簪花酒中眠忽報黑山飛燕

起自開軍府弄兵權

自載漪倡剿夷之說莊親王載勛輔國公載瀾  
怡親王溥靜貝勒載濂載滢貝子溥倫皆起言  
兵朝廷既招撫拳匪為團民恐諸團游散無歸  
命載勛為統率義和團大臣載瀾剛毅英年佐  
之於是莊王府設立總壇聚眾至三四千人傾  
公帑贍養之凡五城散團及新從匪者皆令赴  
王府報名註冊

北府兵權屬相公暗收名士坐談戎橫行可恨涇州

卒入市尋仇刺釀翁

大學士榮祿自負知兵 太后再出垂簾盡以  
兵權委之遂開幕府設關防立北洋軍務公所  
延爽良譚啟瑞聶時窩陳夔龍為幕賓改宋慶  
毅軍為武衛左軍袁世凱新建陸軍為武衛右  
軍聶士成武毅軍為武衛前軍董福祥甘軍為  
武衛後軍提督張俊別募萬人為武衛中軍皆  
歸一人節制所謂北洋五大軍也後死別將恩  
祥不戢士榮祿自將之又令湖北提督張春發

募十營為武衛先鋒左翼江西按察使陳澤霖  
募十營為武衛先鋒右翼駐淮北遙助聲援後  
右軍隨世凱入山東前軍左軍各守要隘福祥  
駐南苑不百日復還薊州唯中軍分布禁城內  
外博奕好飲橫行都市都人為之謠曰武衛軍  
如虎狼誰其將者榮中堂

將軍樊噲縮兵符十萬橫行罪可誅高后尚能容媿  
罵不輕開罪絕匈奴

董福祥擁兵二十營入見請圍攻使館出殺各

國使臣以報歷朝失地表師之恥 太后不許  
福祥快快浸驕橫不受節制

五月初大學士崑岡使庫倫曰覆命 太后問  
庫倫有美和奉乎崑岡曰無之入張家口聞一  
見宣府以南則眾矣事將若何 太后曰此嘉  
慶間八卦會也寧可獻乎崑岡叩頭稱善而退  
丞相廷賓別館開曾王並世負文才探懷欲進平戎  
策何異遼東獻豕來

湖南舉人曾廉戎戎上疏請斬康有為徐桐見

疏大悅延至私第以賓禮待之為竄名會典館  
修書叙勞保至知府廉與編修王□□善因嗾  
□□詣桐獻策請閉絕外洋通商盡廢舊約召  
前四川總督李秉衡督師用周漢余棟臣為先  
驅棟臣即余蠻子蜀中大盜以闡教侵擾川東  
郡縣始徧發大兵捕之乃率眾降漢著書惑眾  
楚人病狂者也

杉山記室自翩翩慘死殊方亦可憐大道橫屍收不  
得下愁螻蟻上烏鳶

日本公使聞英提督西摩爾統兵三千入援遣  
書記生杉山杉往覘虛實出永定門廿軍與拳  
匪合謀執而殺之剖其腹實以馬矢棄尸道旁  
夜燭武見秦師國勢危於打劫基避住使車東道  
塞翻將遊說罪張儀

許景澄那桐銜命往天津行次豐臺拳匪謂二  
人為外洋遊客欲殺之景澄稱有詔乃免時徧  
地皆匪東道不通桐先返景澄從之

掌上雲英未嫁身雪膚疑是親姑神遊仙暮入碧虛

去一片雲羅生襪塵

賊匪中有名紅燈照者皆選室女未嫁者為之  
室中祀九遠道人以銅盤貯水置神前繞行叫  
飛字不絕自言練習四十八日即能飛行空中  
人各然一燈以紅紗籠之懸諸門外一夕紅燈  
匿不見里中驚傳諸女伴飛入海外焚洋人廬  
舍矣其黨奉天津林黑兒為師黑兒生長水濱  
本船家女也

弩末徒爭一日強井蛙坐嘯亦堪傷相如叱咤千人



廢頸血居然濺大王

奕劻請各國公使入總署議和皆遲疑不出德使克林德自負勇敢輩而先道過神機營兵或曰拳匪<sup>上</sup>矣左右以空鎗擊之營兵大噪隊長恩海縱兵邀殺克林德各公使後至者聞警皆返未乾口血遽寒盟赤子潢池敢弄兵曾記陰山聞鬼哭匈奴終未殺蘇卿

敵人狃於遼膠之役謂我必不能戰只調南洋兵艦數艘移大沽限我一日夜退出礮臺欲以

虛聲挾和直隸總督裕祿奏至復集百官會議  
載漪載勛徐桐剛毅主戰請遂收執使臣以清  
內奸戶部尚書立山與爭不勝內閣學士聯元  
曰兵交使在其間不以為罪比春秋狄意也今吾  
以一國激怒全球異時兵敗援絕 皇太后為  
天下母使百萬生靈駢首就戮何面目見 先  
帝乎貝勒溥倫於眾中大言曰聯元通賊可斬  
也奕劻翼之而退王文韶復言戶部兵餉不濟  
太后外逼拳匪內受諸王挾制不得已從載

浙言亦限一日內令各國公使退出交民巷  
捷書一夕達甘泉六貴同朝拜賀箋欲倚淮東平寇  
難高駢但解媚神仙

裕祿奉詔拒敵慮津防不固濫收拳匪用之敵  
兵十九艦攻大沽提督羅榮光於大霧中擊傷  
其一官軍死數百人裕祿以大捷告遂下詔宣  
戰褒獎拳匪為義民言山東等省不期而集者  
數十萬人下至五尺之童亦能執干戈衛社稷  
載漪宴賊目於邸第大醉起舞以為天誘敵衷

蕩平在旦夕矣

躍馬橫刀督戰來鬚如蝟磔陣雲開棘門霸上皆免  
戲只有條侯是將才

提督馬玉崑佐宋慶領軍務率所部新軍二十  
營由營口馳援天津與各國大小數十戰互有  
殺傷後都城破美提督察斐語人曰中國兵唯  
馬軍門頗知鎗法董福祥張春發以下皆免戲  
也

老子胸中有甲兵兩淮草木識威名艱難百戰誰分

謗一夜寒星落大營

聶士成驍勇善戰兩淮諸將無有出其右者甲午之役葉志超被逮士成代領其軍以三千人扼大高嶺設伏敗敵乘勝復連山分水各要隘威名大振拳匪初起奉命保津蘆鐵道大破匪黨於落垡頗有殺傷剛毅至涿州拳匪請解士成兵權願殺賊自効何乃瑩力贊之剛毅以聞或言不可或言淮軍百戰勁卒撤之必生變乃令榮祿遺書士成戒其勿浪戰邀功并通飭京

畿各屬既而拳匪受撫鼓大張謀陷士成以報  
落堡之怒軍士知士成失寵浸不用命西沽之  
賊王□□誣其通敵約編修彭青藜主事吳國  
鏞李雲慶等十二人上書劾之謂西沽礮臺士  
成得八十萬金賣與敵人詔裕祿密查士成憤  
愧不自安引兵攻紫竹林轉戰至八里臺免胄  
赴敵而死營官宋占標從殉敵兵所憚者唯士  
成及馬玉崑士成死淮軍二十五營雖詔玉崑  
兼領已孤立無與為援矣是日朝廷方嚴旨奪

士成職聞其死復下詔議卹多貶詞

倒屣迎門上客來密籌軍事畫盤灰一封疏草朝天  
去不薦邊才薦盜魁

匪首張德成入見裕祿裕祿開門出迎禮之如  
上客與商天津戰事褒獎倍至陝西人李來中  
山東人王湛波靜海曹福田韓以禮霸州文得  
成皆凶橫無賴為賊中渠魁嘗往來督署與大  
吏分庭抗禮裕祿言之於朝各有考語如甄拔  
屬僚之狀

巫語荒唐雜夢謠，明時不信有人妖。  
千金枉學屠龍技，無奈真龍在九霄。

敵兵攻奪大沽，燬礮臺，焚子藥庫，羅榮光以憂  
死。天津危在旦夕，官軍及拳匪尚與紫竹林洋  
兵相持不決。太后聞警，大懼，急散宮帑，犒士  
拳民，負義勇自陳，不願受賞，願得一龍二虎頭。  
削平患難，歸報先師二虎，指奕劻、李鴻章一龍。  
謂今上也宣戰之初，上持詔不肯下，後聞  
事已決裂，見許景澄執其手而泣，蓋知用兵非



中國利而事權不屬也

矢石親當老智慶經旬未拔偃陽城一軍精銳銷亡  
盡巷戰唯聞鬼哭聲

拳匪初起時各國公使求援於天津援兵至者  
英八十八人俄七十五人法七十五人美五十人  
意三十人奧三十五人日本三十八人合新聞團  
練華兵八十八人皆聚守東交民巷兵團合攻月  
餘剛毅親戴飛擊督戰甘軍死四統領亡士卒  
過千用礮彈三千五百包槍彈八百萬顆拳匪